



Instrución 2/2021, da Secretaría Xeral de Universidades e da Axencia Galega de Innovación para iniciar o procedemento de avaliación do rendemento da fase de estadía do persoal investigador contratado ao abeiro do programa de apoio á etapa de formación posdoutoral, modalidade A, do ano 2018.

A Orde do 30 de abril de 2018 (DOG núm. 98, do 24 de maio), pola que se establecen as bases para a concesión das axudas de apoio á etapa inicial de formación posdoutoral nas universidades do SUG, nos organismos públicos de investigación de Galicia e noutras entidades do Sistema galego de I+D+i, recolle no artigo 6 do anexo I o procedemento de avaliación do rendemento para a fase de estadía das persoas contratadas con cargo á modalidade A deste programa.

De acordo con este artigo, antes da finalización do contrato as entidades beneficiarias terán que remitirle á Secretaría Xeral de Universidades ou á Gain, segundo corresponda, un informe, xunto cunha memoria asinada pola persoa contratada e pola persoa responsable ou coordinadora do grupo, sobre o grao de cumprimento do plan de estadías. Este informe deberá vir acompañado dos certificados de ter realizado a estadía emitidos polos centros receptores.

Os contratos en vigor correspondentes a estas axudas están no ámbito de aplicación da Orde do 19 de xuño de 2020 (DOG número 128, do 30 de xuño), polo que a súa duración se ampliou 6 meses. E da Instrución 3/2020 da Secretaría Xeral de Universidades e da Axencia Galega de Investigación, en relación coas estadías das convocatorias de axudas posdoutorais dos anos 2018 e 2019 como consecuencia da situación creada pola evolución da pandemia do COVID-19.

En consecuencia, o secretario xeral de Universidades e a presidenta da Gain, no uso das competencias que teñen atribuídas, ditan a seguinte instrución:

1. Iniciar o procedemento que permita a avaliación das persoas investigadoras contratadas no Programa de axudas de apoio á etapa inicial de formación posdoutoral, modalidade A, da convocatoria do ano 2018 que se atopan a piques de rematar o seu período de estadía no estranxeiro, de acordo co procedemento establecido no artigo 6 do anexo I da Orde do 30 de abril de 2018.

2. Para tal fin, as entidades beneficiarias deberán remitir, con data límite do 16 de marzo de 2021, un informe acompañado dunha memoria asinada pola persoa contratada e pola persoa responsable ou coordinadora do grupo de investigación, sobre o grao de cumprimento do plan de estadías, no que se indicarán os períodos de estadías efectivamente cumpridos especificando, no seu caso, as modificacións producidas e a súa causa con respecto ao plan de estadías presentado coa solicitude, con especial mención ás derivadas do Covid-19 (acompañarase do certificado emitidos polo centro ou centros receptores).

Aquelas persoas que finalicen o seu contrato con posterioridade ao 15 de abril de 2021 terán que achegar a documentación no prazo de 20 días hábiles anteriores á súa finalización.





XUNTA DE GALICIA

CONSELLERÍA DE CULTURA, EDUCACIÓN
E UNIVERSIDADE

Secretaría Xeral de Universidades



3. Co obxecto de coñecer o rendemento científico acadado nesta fase, o informe da entidade beneficiaria e a memoria que o acompaña deberán describir o traballo realizado por cada unha das persoas contratadas así como o grao de adecuación das actividades desenvolvidas ao seu plan de traballo previsto para ese período. No caso de que se produciran modificacións sobre as previsións iniciais deberanse motivar e explicar a súa incidencia no proxecto presentado. A documentación presentárase en formato libre e a memoria deberá ter unha extensión de entre 2.500 e 4.000 palabras.

4. O informe, a memoria e a documentación complementaria serán avaliados pola Secretaría Xeral de Universidades, que poderá contar co asesoramento de expertos externos, e será preciso obter unha avaliación positiva para acceder ao contrato na fase de retorno.

Santiago de Compostela,

O secretario xeral de Universidades

José Alberto Díez de Castro

A directora da Axencia Galega de
Innovación

Patricia Argerey Vilar

